

難也難也捨家難也絕愛憎屏塵難也處無
為清靜有始終難也譬如死又何難也論
玄元談微妙要人聽也但小童肯來詢也便
須當開言路與其進也我不能保其往也
漸悟集卷下

草堂集

五峯白雲子王先生撰

弟八

詞

滿庭芳

因臘月二十二日迺重陽師祖憫

化妙行真人降跡丹陽師父順化
慈願真人昇霞眾道友修齋畢以
詞贈之

雪霽郊園冰凝池沼時當深入窮冬重陽此
日降跡闡真風還是丹陽師父辭塵世飛上
天宮玄元理一昇一降顯現至神功 無窮
真匠手京南陝右河北山東但兒童耆老誰
不欽崇應物隨機順化垂方便三教通同諸
公等從今已往何日再相逢

贈魏德純

利鎖名韉恩繩愛索兀誰不被牽纏但能省
悟早是其前緣那更苦求出離情深處翻作
離冤應知否暗中真聖接汝趁天元 堅堅
惟謹謹收縛意馬擒捉心猿稍些兒放蕩損
壞芝田日用常搜已過居叢叢莫見他恁如

斯做本來一點不許不周圓

贈劉四郎

冷淡家風清閉門戶有誰著意搜求元初靈
識剛被火宅囚貪戀時間恩愛終不道前有
程頭當省悟好學我輩一割萬緣休 優游
何可似鷹離籠罩魚脫綸鉤信飄飄渾如解
纜孤舟隨分飢餓渴飲飽來後鼓腹歌謳無
榮絆功成歸去高步訪瀛洲

贈周信等

貴賤由天榮枯隨分分明不在強圖得之本
有夫者本來無謾使機關巧倖勞神智疲役
形軀癡迷客蠅頭利路食得又何如 蟾烏
飛走急百年限裏光景須更恰紅顏青鬢盡
變霜鬢不日無常來到問君待著其枝梧爭
如我虛閑寂靜保固大丹鑪

又

一點靈明萬情牽結豈曾時暫寧門輪回催
逼販骨若丘山由是迷心未悟誇誇辨馳騁
伶奸還同似飛蛾投火螻蟻競循環 今翻
親得遇羣仙降世闡化人寰示全真大教直

指玄關常處常清常靜休持論返老童顏從
茲後除疑斷妄名姓列仙班

又

四業三彭七情六欲終宵未日教唆輪陀團
圍難出黑風波起盡慳貪嫉妬生機狡無限
張羅堪嘆處從今至古誰是不遭呵 王哥
親說破直須決烈慎勿蹉跎把無情慧劍每
每頻磨假使當場臨陣加剛銳辟散羣魔歸
來後民安國富齊唱太平歌

詠三教

釋演空寂道談清靜儒宗百行周全三枝既
立逆互闢良緣尼父名揚至聖如來證大覺
金仙吾門祖老君睿號今古自相傳 玄玄
同一體誰高誰下誰後誰先共扶持邦國普
化人天渾似滄溟大海分異派流泛諸川然
如是周遊去處終久盡歸源

答人問緣甚出家如何修鍊

閑寫荒詞謾成拙句略將管見鋪陳貪迷世
夢虛度二十春忽悟前頭路險拖恩愛孰敢
因循投玄教授窮靈妙坦蕩樂天真 清貧

活計好還淳反撲養素順神幸清風作伴明
月為鄰占得逍遙自在從烏兔東出西傾忘
言處些兒消息能有幾人聞

示眾

衡正清油重羅白麪如牙細未春淘精嚴辦
供庖饌列珍銷皮恪行香點靜頻作禮豈憚
劬勞惟求望見存獲福亡者得昇超 吾曹
聽勸化休生懈怠道念堅牢在澄心滌慮勿
犯天條稍有違齋破戒無慚愧滴水難消虧
功行將來打算天地不輕饒

平州節使完顏驃騎命作醜索詞

和氣融融日遲風軟艷陽物景相宜園林鋪
繡桃李正芳菲鶯語鶯聲闌巧黃金嫩柳帶
低垂弄風細仙姿是日分瑞向深閨 神儀
何秀以溫顏玉潤鶴態依俦志謙和慈惠大
善常持遐壽不須重祝真元性自有仙期俗
緣斷人間夢覺還去宴瑤池
佑國雄才皇家貴戚街恩守鎮平山一方安
堵何事感怡顏視眾猶同赤子寬刑惠矜恤
愚頑無私曲政聲流美應遍滿人寰 公餘

重精德投誠奉教使保心開又遠蒙見召祇
建靈壇醮謝諸天聖眾仗青裙開啓陰關從
今後真降鑒名係上仙班

望海潮

自詠

昔年舍愛平生做作而今一旦紛飛知命樂
天風前月下依山臨水幽棲杜口且如癡也
不管傍人說是談非盡日無餘事惟保守這
些兒 幽微暗洽玄機覺澄澄湛湛並沒歸
依與即唱吟欣來歌舞隨緣悅我希夷不整
外容儀放落魄焚臆自在無為但樂貧閑過
任烏兔走東西

玉鑪三澗雪

本名西
江月

和素先生

策杖水雲遊歷一身到處為家洞天高卧養
丹砂茅屋柴籬入畫 收拾黃芽白雪合和
玉液金椽就中甘味不須誇奪箇仙魁無價
藏頭拆字

大非為堅固今迷執居家還悟得紫靈砂素
琴碁書畫 載慈懃煅鍊中養就名林今知

味豈須誇日功成無價起四

贈顯異觀王右堂

欲百修行捷路無令馬劣猿顛頭物物絕
紫毫下問甚龜蛇相纏 常使靈臺瑩自然
真息綿綿箇中仙子貌嬋娟便是本來頭面

贈安抱真等

魚在迷津苦海隨波逐浪漂遊闊拋香餌下
綸鈞一釣俄然回首 也是宿緣深重一齊
萬事都休前途何處是程頭作箇羣仙領袖

又

欲要超離苦海先須割愛忘情從來坑塹刻
教平不入荒涼斜徑 幻景浮華識破疑心
妄念休生蕭蕭洒洒向前行步步蓬萊有準

又

既悟出家學道須憑一志堅堅假鏡心上起
諸緣全在慈懃殿鍊 處眾莫生異見利他
損己為先內功外行兩雙全得赴瑤池瓊宴

贈平州菩薩堂劉僧

大道豈分貴賤人人箇箇圓成休教方寸萬
緣生念念常歸清靜 達了這語消息不須

屈體勞形靈臺皎潔勝水輪照破無明種性

嘆出家兒生煙發火

一等求真慕道令人堪嘆堪憐遠堂止酒戒
腥羶做就出家行造 靜處閉眉合眼人前
說道談禪些兒觸著早生煙錯了從來知見

妙用

罷論古人公案且呈自己門風三更三點扣
齋鐘便是子家妙用 湛湛空花形像澄澄
水月儀容兩轉消息一轉同看你如何拈弄

雙泚

粗遭將何言說正宗著甚談論搖唇調吻早
差分背了諸仙心印 似此難為舉向不辭
略與開陳頭頭物物露全身言下要君承認

謝道友訪及

魯拙僂貪世利踈慵唯愛山居深承道友喜
相呼來結良緣妙趣 但願徐登壽域更祈
重悟虛無塵勞放下萬緣除高卧白雲深處

鼎一溪雲一名玉山一段雲

贈孫志道王居易
紫陌憂危客紅塵名利家區區終日謾孜孜

無計伴煙霞 儻悟浮生夢短咫尺蓬萊仙
館飢餐渴飲因時眠餘事總無牽

又

風空雲初斂潮平浪亦安閑揮輕棹帶蓑竿
垂釣近江干 湛湛碧天如水那更月明風
細奈何魚鼈不吞鈎獨立蓼花洲

骷髏喻

日日迷花酒朝朝競氣財偶然命盡掩泉臺
郊外曝遺骸 任使輒敲棒打不似從來尖
俊勸人早悟此因由物外做真修

傀儡喻

顏貌胡粧點形骸旋合攢趨踰扭捏恁多端
爭信被人般 由自搖頭弄影日日當場馳
騁一朝線斷罷抽牽方悟假因緣

小重山

述懷

猛悟塵勞跳出龍霄襟襟多少事盡成空過遣
物外恁愚蒙真脫洒端的好家風 啓戶對
松峯紅塵飛不到白雲中道心不與利心同
開懷抱高卧養踈慵

金蓮出玉華 本名藏字
木蘭花

勉道友

全真妙道先把我人山放倒妙道全真決要
收拾精氣神 功圓行滿擎下皮囊都不管
行滿功圓朝拜丹陽師父前

無為清靜虎遶龍蟠歸大定清靜無為子母
和同出入隨 逍遙自在去來來絕望礙
自在逍遙一任山林與市朝

人非人是識破全然渾小事人是人非恰似
春風耳畔吹 真功真行意馬心猿休內縱
真行真功十二時中鍊氣沖

贈羅家莊道友

羅莊一境曲水環山相掩映地秀人賢慕道
崇真種善緣 邀予至此供養恩懃心不止
報德無方惟願家翁福壽昌

贈胡先生

子林苗裔談論清古超眾異夙骨靈肌半貌
堂堂出世哥 身崇三教敬釋尊儒行大道
暗養仙胎行看白蓮火裏開

壽明威縣君完顏明慧

嚴疑天氣萬物深根而固蒂葉全開仙子
移真下寶臺 松姿鶴質遣累齋心超眾異
為祝遐齡福壽同臻等芥城

踏雲行 本名踏
雲行

自遣

壬癸纔升丙丁已降往來澆灌黃芽長靈童
採摘赴瑤宮笙簧迎引聲嘹唳 虎嘯祥風
龍翻雪浪幹旋造化憑真匠鍊丹砂就月華

清踏雲行處神无燥 清靜家風無為活計箇中別有真消息閑寂
澄湛契玄機杳冥恍惚通幽理 七寶山頭
五明宮裏陶陶恣飲醍醐味醒還醉了醉還
醒醉還醒了醒還醉

又

世事紛紛塵情擾擾余閑思想真堪笑榮枯
得失幾時休興亡成敗何年了 今日雖存
來朝難保聞康認取無為道修持功行兩完
全携雲笑指蓬萊島

贈安山李秀才

已矣馬哉之乎者也悟來好把黏黏捨童蒙

訓授費精神因循莫使頭生雪 飛天年光
忍教虛設慙懃說破修仙訣一枝丹桂肯躋
攀與君共賞長生月

羅家莊梁秀才叔姪處化地建菴

長嶺峯前羅家莊後來山去水真明秀而今
若把道菴修他年應引神仙湊 為寫新詞

聊充讚祝福緣善慶從來有叔姪暫結有為
緣子孫永享無窮壽

贈羅家莊崇道菴長春邑泉

邑號長春菴名崇道其間隱與人難曉長春
靈艷莫教洞真心崇道家緣掉 外屏喧囂
內搜玄妙常懷忍辱心低小慧風吹散嶺頭
雲一輪注月輝華耀

贈楊德遠

道號安閑法名德遠法名道號開方便安閑
常要性逍遙悟其德遠歸真善 外貌如愚
內通修鍊下功進火猶爭戰金鳥飛向曲江
池玉蟾躍出通明殿

又楊德遠求詞

道本無言強求強索與憑詩曲強分解元初

模樣體真常隨機應物無纖礙 出入縱橫
往來自在目前一段光明快君還言下敢承
當不移一脚超三界

望蓬萊 本名望 江南

贈家兄忠武訪及

頻夫笑迷悟理全差富貴榮華君活計寂寥
蕭洒我生涯高枕卧煙霞 長生趣清興果
清嘉暇伴延齡千歲鶴閑觀不謝四時花何
處覓仙家

寄桃林口王都監

華宗士清譽久聞傳邇近相逢青嶂表盤桓
共坐玉泉邊談論契真詮 從別後再會得
無緣切恐靈機迷愛欲不辭荒拙綴狂篇託
意在毫釐

寄張四秀才

清河氏聽取此根原自昔未逢超岸棧而今
又值下坡年猶被世情牽 繁華境虛幻不
牢堅休向夢中重作夢便於玄上更搜玄修
補洞中天

無俗念 本名念 奴備

詠竹謹繼長春真人韻

一竿修竹有天然標本森然唯獨檻外窻前
橫翠影幽雅真非尋俗內蘊虛心外彰高節
超越凡材木靜吟風月韻同敲擊冰玉 可
愛素質英姿引鶴樓鳳四序清人目茂葉重
重光潤膩裊裊柔枝凝綠根曲蛟蚪氣含蔬
笋全味勝梁肉此君嘉秀並余遐算遐福

九日

嵐光清翠動西風還遇重陽節暇丹葉黃花
相間隔嘉景真堪圖畫往歲茲辰綺羅絲竹
宴賞飛金竿而今追想盡成一夢虛假 有
緣悟入玄門塵情種種不許纖毫掛草舍柴
籬相掩映潔靜常教清雅盡日忘言通宵無
寐甘恁捱蕭洒何人同志共說無生之話

嘆世

蟾烏景急暗催人兩鬢銀絲如織終日區區
猶不省蓋為家緣煎逼蝸角虛名蠅頭微利
得也成何濟聞身康健好尋雲路活計 拂
袖落魄婪耽水邊石上笑傲閑吟綴一粒神
丹光燦燦免使塵情連累坦蕩逍遙優游自

在占得真消息功成歸去未居蓬島仙位

臨江仙

誠釋道相辯

禪道本來無辯證皆因古聖強名不須方外
謾勞形人人俱有分箇箇總圓成 但把萬
緣齊放下切須戒斷無明給孤園內任縱橫
泥牛哮吼處日午打三更

贈石遇仙等

稽首同途聽教化休教虛度流年常生覺照
道心堅包容他過失整頓自邪偏 分上本
無人我相閑中認正根原但迷假合起攀緣
未沉煩惱海難證大羅天

晚景

向晚嫩涼生戶牖松巖獨坐襟願憑高一望
徹天涯孤城煙樹慘遠浦片帆歸 萬里碧
天澄似水雲閑不動毫釐照明月弄晴輝
圓光舍法界靈艷射瑤池

聞杜鵑戲成

一片閑心閑不倦騰騰兀兀忘機曉來微雨
過窻扉翠霞青嶂裏遠聽杜鵑啼 句句不

如歸去朗我今已應歸期功成自是步雲霓
何須施巧辯苦苦競相催

青蓮池上客本名青玉案

贈烏林答德潤

而今既悟塵勞苦已是身遭遇屏棄浮華宜

朴素常懷柔弱第八莫生貪妬言行須相副十二閑

中不起閑思慮自得閑中妙玄趣管養三田
無旦暮陰消陽長氣凝丹結方稱全真侶

黃鶴洞中仙本名卜筮子

示眾

○奉勸修仙客各要常寧耐萬難千魔志轉堅

休把初心改 渾似蟾光大瑩靜長天外幹

運無私滿大千信使浮雲寨

贈程三

人似當風燭誰肯心回顧目下恩情緊絆牽

豈覺於身苦 幸有修仙路散散閑閑做到

處逍遙任自由功滿蓬瀛住

托鶯嬌本名惜以嬌

山居述懷

泉石清幽好箇真游地香風散彩雲呈瑞日

暖天和更時有珍禽戲嘉致總粧點山家況
味 外景充盈內景還相契丹爐畔虎龍交
會女姪嬰嬌頻勸我傾金液沈醉但高卧晴
霞影裏

贈油麪王廣道

廣道王三天賦精誠藝將油麪十三和調運製應

物黏黏但做造由心意依理煨鍊在長生鑑
內 按候知時拈出真奇異光明燦馨香觀
鼻試與嘗來又別是甘甜味妙矣堪獻入仙
家進會

喜遷鶯

贈康德機

宿緣深重早省悟浮生都如一夢壯志回頭

專心入道塵事豁然驅屏要脫死生輪轉認

取元來本柄甚為準待與君說破些兒捷徑

日用持清靜積累內功外行心平等次泯貪

嗔調和神氣休放馬猿馳騁萬里黑雲消散

一點靈明光瑩仙路穩這回須免了改頭換

影

憶王孫

自詠

云何便會做癡憨只為黏黏世事諸度日隨
緣不外貪處雲菴渴飲醍醐味轉甘

又

逍遙坦蕩絕憂愁管甚流年春復秋露地安
眠放白牛晚煙收一曲高歌古渡頭

又

不持齋戒不看經不論金丹共五行玉瑟閑
調月正明韻輕清響徹瑤臺十二層

又

○三田常用鐵牛耕種得黃芽漸漸生法雨時
時澆灌頻轉滋榮採摘歸來上玉京

又

幾人學得我風流疎盡塵緣散盡愁闌品羌
笛駕白牛好因由四大神丹任意游

又

本來真性喚神仙為愛幽棲遠市廛獨隱山
堂妙最玄樂恬然欣即高歌困即眠

又

四時流轉急如梭百歲韶華屈指過惟願人

人出愛河養沖和功滿起昇赴大羅

因王孫二舊友同日不期而會

閑閑閱裏憶王孫今幸相逢語笑頻各各勤
修精氣神行功臻同冥桃源碧洞春

好離鄉本名南 聖世

人本是神仙只為當初縱馬猿換骨更形無
定止連綿致使塵情種種牽 若解固根原
玉鼎金鑪聚汞鉛煅鍊三千功行滿還元復
返遂瀛絕變遷

○ 余隱居崑崙山清神洞常習不睡因

久坐不覺雪降其夜稍暖巖溜半溶

似乎有聲俄然而起出戶視之四圍

山色盡為更變因倚松而作是詞

坐久欲曉晴不覺天公祥瑞呈夜暖忽聞巖

溜滴聲聲喚覺游仙夢不成 鞞履起開局

四望遙峯盡變更唯有長松天性異堅貞獨

倚幽巖顯道清

余祖居利州有李仙者自彼而來言
族中親眷聞先生入道多歲矣未知
是王家那一宗派請示一書因成此

詞以寄之

聊與話行藏生死輪回豈盡量無奈頑心迷
愛欲滋彰千古悠悠不到鄉 幸遇祖重陽
開闢全真出世方寄語吾族當省悟消詳道
箇從來不姓王

贈崔妙信

一箇好明師洪範恢恢出世奇香味色聲難
染滯須知縱使波流岸不移 認取莫生疑
休費功夫向外馳坐卧住行相守定思惟
目揚眉更是誰

秦樓月

詠松

煙霞客亭亭隱在幽巖側幽巖側霜欺雪壓
了無纖礙 蚪枝招颭寒雲外天然姿質真
堪愛真堪愛青青別是一絃標格

詠竹

性貞潔柔枝嫩葉堪圖寫堪圖寫四時常伴
草堂風月 孤高勁節天然別虛心求求無
凋謝無凋謝綠陰搖曳瑞音清絕

鳳樓梧

山居遣興

滿目青青松間竹掩映山家有甚閑榮辱獨
自唱吟斟美醪味濃醉倒和衣宿 清夢覺
來情未足重抱瑤琴品弄無生曲誰是知音
余伴侶草堂風月應相許

寄同道

世事紛紛何事苦死去生來輪販無停住有
幸高真開法宇引人同上無生路 路上行
人當聽屬屬付虔誠念道忘思慮清靜功夫
昭且著無生路上常相遇

勸遊春子

嫩柳垂金花爛坊隨處園林拂袂香風快無
限眼前開景色只應粧點春光燦 游騎駢
駢馳雅態不道繁華暗換朱顏改到底有情
終不耐慙慙說與尋芳客

暮春閒寫

短景相催何大促麗日和風又送春光暮漸
聽流鶯枝上語綿蠻似把衷情訴 昨日花
開紅滿樹今已飄零狂蕩逐飛絮奉勸游人
生覺悟莫教失却來時路

清明前三日因微雨過示衆

割愛忘情惟謹謹免走烏飛催過年華迅又
是清明將欲近家家煙火宜防慎 和氣氤
氳當寶運細雨簾纖不負陽春信造化工夫
猶此進仙葩迤邐飄香韻

上丹霄本名上
平西

用張子雲韻

得真閑投真趣傲萍蓬任運命否塞亨通生
涯寂寞二十年罷倒金鍾頭頭返照破昏蒙
靈鑑非銅 或游戲紅塵境或棲隱碧巖松
掌譚馬遺範餘風驅馳造化自然交媾虎和
龍上清仙舉要爭魁安敢耽慵

又

棄浮榮志羈絆勝秋蓬樂天命所遇皆通隨
緣一飽算來奚用祿千鐘甘閑守拙捱清貧
豈顧頑銅 陪霞友逸風月臨溪石對巖松
論坦然出世家風烹金鍊玉斡旋批虎與玄
龍而今重悟萬緣空意倦心慵

入道

死生催輪回迫沒休期向迷津苦海爭馳會

逢聖代真仙垂教度羣迷頰然嘆覺夢浮生
跡遠輕肥 頭如蓬面如垢情如醉貌如癡
處闕閑窮究幽微嘉祥得也料應塵世少人
知靈風飄蕩靜乾坤月照華夷

朝中措

拋俗

宦途好似水東流得失幾時休選甚王侯黎
庶無常限到難留 爭如解放名韃鎖且免
了閑愁異日三丹結正携雲却訪瀛洲

和孫圓明先生韻

頃拋塵世事無涯知命度年華占斷草堂風
月恬然欲對誰誇 平生據我無拘束寶鼎
養丹砂直待功成九轉飄游海上人家

訴衷情

九日

重陽嘉節興尤深勝賞一登臨天闊水清山
秀霜葉墜疎林 增雅趣助微吟息塵襟壺
觴滿泛清韻重彈誰是知音

繼古韻

瑞雲深處是仙家高枕卧煙霞調引箇中物

象玉兔配烏鴉 甘淡素棄輕紗遠浮華身
崇三教心敬三光頭戴三花

贈魏老

壽高由是殤猶家斜日對餘霞不覺盡成皓
鬢難得再如鴉 牙漸朽眼蒙紗少光華殘
年何異雨打衰桐風撼狂花

行香子

自詠

雲水生涯到處為家遠浮名浮利浮華三宮
界降上下無差要結靈胎收靈物聚靈芽
清興幽除此外何加恣陶陶暢飲流霞大丹
熟也歸泛仙槎便曳瓊裾搖瓊珮戴瓊花

憶師父訓號白雲子名丹桂字昌齡

幼悟離塵鍊汞烹銀把壺中造化區分虎龍
調處滋助陽初現巨來容元來面本來身
雲水為隣風月常親妙玄通方稱全真憶師
慈訓稍異常人便字昌齡名丹桂號白雲

示衆復用前韻

說甚根塵辯甚鉛銀這仙佛路徑明分何須
外覓不在勞神欲要全完當全道露全身

一體同觀無起踈親志常清常靜常真不惟
自利兼利他人定結祥光成祥瑞躡祥雲

滿路花

謝昌黎道友訪及

早年忘俗累雲水寄天隅羣峯藏弊舍養癩
愚寂寥孤淡默默守如如深謝崇真友步履
携筇不辭遠訪山居 奈門風冷落清虛相
待禮全踈微言頻勸諭省區區前程路險認
取妙元初物物頭頭上一段靈光本來無欠
無餘

贈小崔評

人間何最苦說著替君愁眼前生滅景象悠
悠虛名薄利隨分少貪求幸遇嘉時節乘興
偷閑訪尋霞侶雲儔 更那堪猛悟回頭物
外恣飄游布袍襟袖闊好風流紛紛塵事一
筆盡都勾磨瑩先天寶燦燦輝輝恰如朗月
當秋

歲日贈馮六等

節令頻移改寒暑迥相遷光陰駒過隙古今
傳曉來萬戶歡笑賀新年誰肯回光照紺髮

童顏漸成衰鬢皓然 願人人早悟根原搜
覓妙中玄洞天風月下舞胎仙刀圭漱澗一
顆大丹圓捧入青霄路步步無生任從海變
桑田

贈兩山道友烏林荅同監等

東南形勝地極目鎖嵐煙海山鍾異秀產英
賢人多吉善息念屏囂喧是處追朋挹探妙
蹟真共修物外因緣 願由斯道念彌堅早
早悟重玄愍愍營養就火中蓮清香韻郁迤
互盡相傳異日真功滿拂袖携雲逕超無上
人天

月中仙

返照

歷劫昏蒙為恩情愛戀一向迷執爭頭競角
觀巨浪洪波豈顧沈溺幸今生覺悟便拂袖
開懷暢意返照從前事行蹤過跡翻作大饅
隙 飄然做箇閑人向青松影下白雲堆裏
怡怡自樂但詠歌談笑隨緣銷日晚來增雅
趣對天鑑澄澄湛湛碧次第銀蟾上昭彰奮離
三島跡

望海

暑氣方闌漸雲收四野山海明霽憑高放目
視萬里汪洋東連無極廓然風浪靜屢顯現
嘉祥至瑞大哉玄元體澄清浩渺浮動乾坤
勢 神功聖力難量信歸墟運轉無有休息
恢張萬化任雲物飛翔魚龍游戲混融千古
秀隱三島十洲異域直待功成後騎鯨笑傲
超於彼

齊天樂

得遇

悟浮生幻化速把恩情愛戀俱棄垢面蓬頭
麻衣紙襖海甸天涯飄逸摧強挫銳守柔弱
清貧忘憂忘恥劣馬顛猿頓然休歇杳無迹
些兒玄玄妙理對碧天澄徹別是一家風味
羅澄哩澄唇歌舌誕何有纖毫拘繫頻加敬
禮幸出自吾師昔年提携異日參從共赴蟠
桃會

贈蔡德厚

用千方萬便惟把修行一一開露至道幽深
玄機杳邈須仗十分勤苦韶華迅速念寶蓮

呂期忍教虛度此段因緣等閑失了再難過
聽子重重付屬向舊來境上挑剔勿令差互
性燭昭彰心花燦爛無限清香敷布如斯作
做自然感高真暗垂加護行滿功圓入丹
霄路

醉桃源 本名阮

釣烏林答二郎君

今生豪貴宿生緣分明說與賢回頭早悟
根原休教俗境牽 搜秘密訪幽玄鐘中鍊
汞鉛真功真行滿三千飛騰作大仙

贈趙姑

修行徑路坦然平直須斷愛情邪思妄念不
相縈三尸勢自輕 坐與卧住兼行常休忘
靜清一朝忽尔顯靈靈輝晃晃明

贈趙戒師

略將微語破昏衢塵情立剪除色空空色兩
無殊真實理不虛 常湛湛體如如出離生
死途澄潭性月一輪孤光明射四隅

贈吾古論戒師善淵

本來一點號牟尼端嚴越世奇隨緣應物任

施為圓明合範圍 或顯用或潛機靈光出
入隨但能認正決無疑携雲物外歸

贈庫使縣君完顏氏

全家一意道心堅皆因宿世緣精嚴精謹愈
精專真誠實可憐 聽教化悟微言塵勞漸
漸捐內調神息兩綿綿功成自證仙

心月照雲溪 本名善

山居述懷

既拋火院塵事難拘檢物外樂逍遙總疎遠
征徭賦歛羸衣淡飯據分且隨緣青峯畔白
雲中獨把清閑占 茅廬一厦相稱平生願
裏面但容身也不在浮華粧點鎖窓寂靜恣
意任高眠紅日上兩三竿猶自柴門掩

又

五峯挺秀滴翠嵐光膩氣勢壓滄溟對煙浪
雲濤無際碧巖深處掩映道人家忘寵辱絕
驕矜劫破人間世 野情幽興誰羨公卿貴
閑運妙玄機看虎龍盤旋作戲嬰嬌女蛇歡
笑慶金丹功成去步雲霓顯我嘉祥瑞

贈魏德承家中魔障權令收羊

當初學道望脫塵緣累迤邐漸生魔是時間
些兒疑滯君還識破慎守勿因循心決烈志
精專別有清涼味 羊兒牧處收管休疎失
稍欲走東西在主人調伏斷制山間林下早
早趨歸期天欲暮日將沈關鎖牢封閉

牧牛喻

牛兒性劣奔競無時輟短棒與長繩每驅馳
牢擒痛決朝來暮往久久漸調柔芳草渡曲
江頭露卧如霜雪 牧童閑散無限情懷恍
獨坐古松陰短笛弄聲悠韻噓重堆蓑笠拍
手笑歸來清風勁碧天澄現出家歲月

贈趙德備

但凡入道屏棄繁華早柔弱守清貧把靈臺
時時拂掃塵心起處宜向死前觀憑乞化做
生涯餘事絕論討 日來月往勤鍊先天寶
默默內含光照綠絳袪顛倒無中還有此
理最幽深功成日行圓時自有天書詔

悟黃果 本名善

贈劉九郎

人間何事最堪悲迷火院受驅馳不曾時裏

暫舒眉筭何日是休期 況他衣飲各相隨
空熱亂又奚為明明生死眼前催放得下是
便宜

又

浮名浮利兩悠悠終不道把身囚多貪多敗
更多憂又著箇甚來由 願人識破早抽頭
從前事盡都休飄飄物外不淹留管有分繼
吾儔

秋霽

繼古韻述懷

肥遁人家對東南萬里鯨海橫碧蘭苑芝田
暖香風送不減鳳城春色壽松徑裏綠茵嫩
紋如織又還是鶴詔乍回猶聽九霄唳 天
教賦我此段嘉期寸心澄寂百慮蠲息向開
中呼童煮茗玉甌輕泛浪花白神爽氣和何
有隔況真常道時時默運玄功湛然無為澹
然自得

武陵春

寄七河鎮陳都統

美譽深仁兼孝行遠近盡談揚為寄新詞細

審詳早早悟黃梁 一朵心花初綻處裊裊
吐清香風散餘芳入道場廓尔露禎祥

寄樂亭劉嗣昌

道念精誠問已久皆是宿生因何日相陪願
結隣挑剔出迷津 自在逍遙隨分過兀兀
養天真火裏蓮開日轉新求求占長春

鍊丹砂本名法洵沙

孫義來說弟子昨夜夢丹陽真人化

弟子出家弟子言子孫未立家道未
成恐無出家緣分且只在家修行可

否其人笑曰吾固有云無侵妻抱子

神仙沒在家蓬島公豈不知也言訖

弟子覺來未知怎生因以詞贈之

稽首富春仙聽說根源金枷玉杻緊牽纏惟

要自家心決烈休道無緣 賢聖夢中言的

不虛傳家緣事事待周全更望一身成道果

掘地尋天

贈女姑郭守淵郭善知

奉勸二分陽略序行藏有緣身入道家鄉塵
事黏黏宜損損捨短從長 日用養心香返

照回光逢魔逢難敢承當盡始盡終無變易
決赴蓬莊

贈女姑張善行

狂語話真誠清眾宜聽不期白髮鬢蓬生前
有無常相等待著甚抵迎 除是做修行心
地寬平舊來熟境不相縈已過更能頻改正
功自圓成

贈徒單姑姑

確志慕前程寵辱猶驚五千奧旨灼然明所
以百川俱湊海窪則富盈 上士處無爭柔
弱為憑外雖應物內澄清履道如斯常坦坦
步步蓬瀛

悟南柯本名南柯子

和常顯之

宴坐心恒適幽居與可嘉靜鳴天鼓漱雲芽
吐納綿綿隨分保生涯 但解安時運奚憂
換物華三山瓊路信非賒未去權依積翠與
明霞

贈樂亭劉司候

猿鳥誠幽伴泉石亦近隣三竿紅日欲侵門

睡起從容無事暫相親 玄谷規千聖泥丸
聚百神些兒功用養天真遠害全生清樂未
輸君

溟州值雨阻道友留戀

落魄白雲子身無箇事繫閑思雲水下山屏
策蹇携童行化過東溟 暑氣潛然退秋風
分外清連連小雨未開晴有意相留不放出
門行

瑤臺第一層

崔大師生辰

歲運推遷時正遇十月小春天老人星燦玉
繩低縱銀漢高懸曉來佳氣聚慶謫仙初駐
雲駢應良緣漸重敷素艷復闡金蓮 飄然
塵情一蕩志歸清靜東根原鼎鑪烹鍊河車
搬運丹滿三田洞房輝煥處會虎龍嬰蛇圓
圓表長年傲龜齡鶴算未劫綿綿

元宵

時令相催又還是元宵報春回桂輪新滿金
蓮乍坼不待栽培六街三市徧列鼇山輝映
樓臺競追陪簇香車寶馬馳騁多才 吾儕

情忘金蕊絳宮深處保仙胎覺花芬馥慧光
明燦別是歡諧玉漿瓊液泛結刀圭不讓樽
罍恣開懷任鸞迎鳳引游宴蓬萊

吳大卿壽日

陰極陽升當律應黃鍾正嚴凝昔年此際素
雲容齋瑞氣清英玉衡潛運轉顯孤南一曜
增明降仙卿漸風晴闌苑月冷蓬瀛 呼噤
天才富贍早年名遂與功成順天合道退身
養浩同輩吞聲客中開小宴會朋儔交錯霞
斝醉還醒表冰姿玉骨壽占椿齡

春從天上來

贈首陽山李志朴

既悟塵緣擺愛海恩山蝸利蠅名樂然拂袖
絕慮忘情熟境慎勿牽縈抱始終一志但兀
兀莫問途程處無為捭蕭蕭洒洒靜靜清清
閑中做成修鍊鍊百脉通流四體和平虎透
龍蟠氣結神凝大丹一粒圓成引靈童歌舞
瑞雲房滿酌瑤觥興無窮保深根固蒂久視
長生

冬至日

兔走鳥奔競西沒東生四序潛分亞歲方迎
萬戶千門歡笑共慶良辰暗推移咎運正南
擔愛日初新考豐凶會銀臺占候史筆書雲
玄元大哉造化漸梅蕊飄香檻竹偷春坦坦
幽人百福成臻默默養浩全真體沖和妙道
自然理幹運蒙屯歲功成六陰爻始盡復建
陽純

桃源憶故人

因趙元帥舍人出示用其韻

人生百歲誠稀少此事任誰明曉相見但開
口笑管甚閑悲惱 四時風月尋常好放下
心腸便了雖是身難恒少到底須遲老

又

愁思俗態知多少發達誰能分曉方欲強追
言笑翻復成憂惱 春花秋月雖然好總被
功名誤了纔見兒童年少又早容顏老

又

桃源憶故人來少獨占洞天清曉追想從前
失笑謾結閑榮惱 琴書活計端然好一曲
山堂了了保護胎仙常少永永依黃老

再用前韻 戴頊 折字
來萬事心頭少隱任他昏曉兀但忘談笑限
誰愁惱 閑愈覺沖和好後千前功了補衰
顏重少檢仙無老

水調歌頭

趙舍人又寫日本國人詞索和其韻 二十六
年華若飛矢貪愛競無休西城始逢春色轉
眼又驚秋日月迤相昏曉暗裏消磨人老甘
逐逝波流爭似聞強健拂袖覓抽頭 放心
閑從體便勝封侯優游到處無繫渾似一孤
舟但得自家合道任使傍人笑錯忘恥亦忘
憂高卧晴嵐表吟嘯對石樓

趙相公壽日

秋色入林杪湛湛碧天長籬邊數叢黃菊次
第吐清香自昔羣真朝會共話人間興廢應
運佐時康遂命騎鯨客臨羽下穹蒼 稟天
和懷信惠効忠良甘分重職調御大度愈恢
張況是從來聲價優渥溥露高下民願庇餘
光獻頌期君壽永與鎮安陽

長思仙 本名長 相思

贈平山劉志常神山劉志本
平山劉神山劉更易俗流作道流人情誓莫
留悟驂騑禁驂騑燦燦神珠得自由光明常
逗遛

贈濱州李志持

李志持做修持早把心田荆棘治休教下手
遲汲華池灌華池劣馬顛猿不騁馳功成拜
玉墀

贈平州劉志真

慕全真處全真舉動行為務正真惟憑一志
真合天真契天真十二時中守內真頭頭現
本真

贈平州宋志洪

脫樊籠離樊籠無變無遷抱始終直須顯志
洪積真功累真功真正無私合大空鏊中丹
自紅

步雲鞋 本名靴 靴鞋

贈玄真觀單姑等獻履鞋
幸遇教風開和氣洽吾懷玄真清眾總仙才
志謙和恭順垂慈惠懇獻步雲鞋 妙手

巧刻裁珠寶砌雙顯一回朝禮躡壇臺待他
年真行真功滿超塵世赴蓬萊

浣溪沙

劉姑姑生朝
仲夏黃開四葉初仙姬分秀下雲與祥光瑞
氣共相扶 法性殊無塵事累靈安那有世
情拘自然遐壽等麻姑

醉桃源

趙恭善生朝
前期三日是誕賓芝軒別紫宸祥煙瑞霧結
氤氳同資誕玉真 才敏慧性敦淳常希道
德鄰人間短景不堪陳壺天別有春

訴衷情

九日登黃崖
重陽又早一年期景物正凄凄憑高暢情凝
望極目徹天涯 秋日短雲天低鴈南飛詩
題紅葉酒泛黃花不醉無歸

木蘭花慢

中秋
又中秋屆候日初沈夜微涼對煙障雲屏良

朋益友逸興何長颺然玉輪宛轉歷茫茫巨
浸躍天網碾破玻璃萬頃洞明三界十方
宜將火棗交梨開清賞勝飛觴肆雅志幽懷
遐襟曠迹百慮俱忘爰思教風始振感重陽
隱語示回陽桂樹香傳十九致余極味先嘗

用長春真人韻

憶當時穎脫道情濃世緣疎愛古洞深溪香
松翠栢萬景齊數筆瓢粗為遣日樂貧閑況
味勝蓴蘆千古昏昏醉夢廓然一旦樵蘇
瑤圖寶籙幽微精勤佩未嘗辜慶靈艷昭昭
心花燦燦並沒凋殂威雄猛持慧劍屏三尸
六賊泯狂徒永保胎仙出入往來紫府清都

又

曠滔滔苦海任羣迷恣漂游被有限形軀無
涯愛慾一向拘囚空生萬千計較沉百年短
景不常留貪為名深利切豈期水遠山悠
如流歲月相催宜省悟覓抽頭向太一峯前
雙林樹下早把心收從來既知是錯待黏黏
放下便休休撒手縱橫無礙狀同不繫之舟

洞仙歌

述懷

道家門戶寂淡清虛好榮耀矜誇自無擾向
午窻披玩道德南華除此外闢弄絲桐一操
秋光未老錦樹屏山繞適性携筇任登眺對
茫茫鯨海觸目琉璃天一色何必搜窮密妙
待他年功滿化飛仙越煙浪雲濤直趁蓬島

示門人

修行日用試與重授領本為他家顧性命下
處心苦志挫銳摧強忘寵辱自得神安氣定
黏黏境上猿馬休教弄稍覺偏頗便改正向
關中鍊就一粒金丹成片段萬道霞光輝映
有青龍白虎共扶持過三界十方盡來稱慶

九日

風高露冷又報重陽候過雨羣山倍明秀正
披巖紅葉接徑黃花堆錦繡長衰清香依舊
凝神望久思入無何有回首溪邊聽長溜念
人生如夢世事無涯空汨沒爭似吾家拂袖
據盤石容膝坐忘機看天末飄飄斷雲歸岫
素天澄徹時令秋將暮志尚清虛寄巖谷看

雲中征鴈列序成行續復斷迤邐呱呱南度
忘情真侶共講玄玄語猶勝塵凡奮名譽待
欣來舞袖睡即和衣全放下管甚紅輪西沒
雲時聞一枕夢游仙覺來也重行錦屏深處

連虎部落游仙觀醮畢眾人索

游仙一境上下川原秀背負高崗面長溜看
峯排千刃地占三陽佳氣聚相接居民淳厚
黃童白叟信道崇真久同啓哀誠薦枯朽命
替雲騰奏列聖高真頌惠渥符下宜恩赦宥
釋幽塗苦爽悉停酸保見在家家共沾福祐

昭君怨

贈女姑蕭敬善等

奉勸修真仙衆日用全憑實行鳥兔疾如梭
莫蹉跎 遇景勿令心動坐卧住行安靜只
此是功夫合虛無

草堂集